

於于野譚

天

於子野譚卷之一

成覩微時出遊郊園於途中下馬歇鞍臨溪
蔭樹而坐忽有一客騎驢隨至亦憩于溪上
覩見客容貌奇偉敬禮之俄而各進朝餉客
從僮開襍進兩器一赤血浮蜾蜊溢之一烹
小兒爛熟覩甚驚客勸覩喫其半覩深惡之
辭曰食不曾慣客食罷覩異之托以便旋密
問其僮曰客何許人僮曰不之知曰從長者
遊豈不知某氏曰相遇於途仍從之遊若之
何知之曰自何時從遊曰自天寶十四年至

今不知幾何歲月日向所食兩器何物耶曰
其一紫芝也其一人蓼也視大驚且悔復見
客禮之請嘗前所進兩器客呼僮問其餘對
曰小子因飢食之既而騎驢而去視隨之客
謂僮曰此去午厨忠州達溪邊夕踰鳥嶺遂
揮鞭而邁不疾驅而視躍馬追之不及杳然
失其所向視歸家惘若有失仍識其所過者
乃呂真人也蓋天寶十四年卽呂真人胎化
之秋也

智異山佛日菴者在雙溪寺東嶺外十里絕

壁徑斷斫松為梯者數昔新羅時崔致遠耶
遊處西有青鶴峯仙鶴樓焉東峯有長瀑高
可數十丈又如玉龍倒掛銀河飛出直瀉于
臺前昔人大字刻其岩玩瀑臺也松竹擁碍
焉時有休糧高釋栖之有一學道老衲孤棲
其菴方春三月之望杏花滿山月色如晝夜
將半忽聞菴外有人言語拜老衲以為窮山
絕頂夜深如許何處客子來遊於此身為主
人礼當出待出門而拜有一客危冠黑袍領
三尺兩童子徘徊於玩瀑臺上欲近則揮手

止之固請還入老衲不得辭入菴而窺之客
與童子語微聞其詳不辨何謂也但見衣裾
隨風飄拂而已良久朗然長嘯松鳴竹動谷
峇嶺震餘響嫻々遠揚雲表老衲神魂爽
更欲出拜而曲終終飄然而逝循岩腹無溪
之地直度香炉峰童子隨之其步皆如飛不
知何所向也老衲瞻望始覺其為直仙也所
謂神仙者弃其軀殼拔其精神固聚不散歷
千百劫與世人絕莫知其動止葛洪八十四
而屍解呂洞賓六十四而飛行皆弃身而遊

不及張倉百歲而沒俗云丁令威化鶴而其
家為遼東倉官遭兵亂沉井而死假令全精
保灵白日聊天而如雀為蛤、不知巢居雲
飛之日蚕為蛾、不知食葉吐絲之時不亦
悲哉昔者宣祖大王閑造語及神仙事李
民曰今世有仙臣目覩之上驚問之對曰
今者宰相元混節食遠色自保千金壽至九
十尚無恙真神仙也盖元混九十三而卒宋
贊九十二而卒李蘧大夫人百三歲而卒申
撥九十三而猶康寧趙挺大夫人九十四而

累病得瘳彼八十二之稚川六十四之回仙
特一嬰兒耳吾門丈有李同知調平生食飲
無節不護其身而得八十四其友朴儉正迂
五一生慎損日三餌藥所食極簡三剖黃菰
只食其一他物亦如之享壽八十三凡人之
享年似在受氣厚薄豈自泉所能引促也
李之菑之繁之弟也亦奇士也布衣草鞋簞
笠負褚而行或遨遊士夫人間傷若無人於
諸家雜術無不通乘一葉遍舟四隅繫大瓢
三入濟州無風波之患手自為商賈以教民

赤手羸生業數年來積穀巨萬盡散之貧民
揮袂而去入海種苧結子穀萬斛以為瓢鬻
穀幾千石運之京江之麻浦募江村人積土
汚途中高百尺築土室名土亭夜宿室下晝
升室上居之未幾弃之而歸又惡其負鼎而
行為鉄冠脫而炊飯洗而冠之周流八道不
假乘而行自謂賤者之事無不躬通不被人
毆打請嘗試之一日突入民家坐於夫婦之
側王人大怒欲毆之為其老而逐之又欲受
笞臂之刑故犯官人前路官人怒而欲笞之

熟視之異其狀而止之其祖父母葬也相葬
山子孫當出兩相而其季子不古季子既其
身也之菑強之自當其災浚山海山甫官至
一品而之菑之子凶而不顯嘗為抱川縣監
布衣草鞋布笠上官人進饌熟視而不下
箸曰無耶食吏人跪于庭曰縣無土產盤羞
無異味請改之俄而盛陳佳羞而進又熟視
之曰無所食吏人震恐請罪之菑曰我國之
民生困苦皆坐食飲之無節吾惡夫食者之
用盤命下吏雜五穀炊飯一器黑菜羹一器

盛之笠帽匣而進之翌日邑中品官之來為
作乾菜粥勸之品官低冠舉匙乍吐而之莖
盡食之未久去官而歸邑人攔道留之不得
後為牙山縣監有一老吏犯罪之莖曰公雖
老心則兒也令去冠解白髮為童使持硯陪
案前老吏啣之潛取蜈蚣汁調酒而進之之
莖死年未六十

宋棋壽訪申企齋于駱峯下布衣客在座企
齋遇之頗款棋壽未曾識企齋曰令公未曾
見此生乎乃田生禹治也棋壽曰每聞如蒼

中人恨相見之晚企齋曰子何不為令公作
一戲之有已而主家進水飯治方食向庭中
喫之化作白蛾無數滿庭而飛

吾里中西川令宗室人也善奕為東方第一
手朕世無敵至今奕者傳妙法謂西川令手
法有上番老卒自下道來牽駿馬上謁曰聞
公子善奕試與戰不勝注此馬三戰兩輸竟
進其馬而去曰請公子善喂此馬他日踐更
期滿當與再戰騎此馬而敵西川令笑曰諾
自以新得駿馬喂養陪他甚肥他日老卒期

滿果再來請奕西川令三戰三不勝遂取馬
而飲曰小人愛此馬自知上番京師客中難
於喂養姑托公子家耳今蒙公子善養奕玄
黃為肥澤不勝感激西川令一慨一奇後因
人寄詳于耶居鄉人亦不知妙於奕豈有
絕技而藏名隱遁者歟其後五十年有申求
止者聽松先生成守環在京城白岳麓聽
松堂黃昏獨坐無侍僮忽有一物來立屋隅
身被紺衣衾其長至踵散髮至地隨風飄散
亂髮之間双目如環瑩、可怕先生問之曰

爾為誰默而不答曰來前遂近牕前羶臭裂
憂先生曰爾如鬼也人鬼異路其速去言訖
飄然而逝不知所向

韓浚譙以平安方伯遭外憂過鳳山遂奉樞
安客舍護喪之客多魘而絕良久乃甦曰有
一官人徒從甚繁令羅卒等致鉤問曰本邦
官館乃使命所止舍地灵所擁何敢令死喪
溷茲速拏主喪者來鬼卒數十人緣階而返
曰主喪者乃韓監司也館下有門神户灵擁
衛喪者甚眾不可于官人大怒曰向者李壽

後赴燕京迴死此館留屍以汚館今又如之
不可縱監司如不可掣至速掣其子來是夜
浚謙之子昭一夕亦如是未久無病暴死昔
姚崇采璟微時過宿客店鬼卒王君昂守護
不敢離席宰相所止寓必有神鬼擁衛可不
異哉

高敬命為淳昌郡守得染病而卒舉體俱冷
而心下有溫經宿未斂忽如父之覺曰有使
者招余引路而去至一官府使者入而告之
官人曰向所招者非是人促令使者復引而

還入淳昌境於路傍家有鼓聲登、使者曰
願入此暫憩覓飲食而去敬命隨入其家巫
曰我城主來矣迎坐座上奉觴侑之享使者
盡醉而送既入衙舍遽然而覺遂令從人往
路傍家夜祀未罷問之巫如其言矣
申叔舟少時赴謁聖試半夜與友人同赴成
均館見路中有一物張口上唇着於天下唇
接於地同行者惶怖却步取他路而往叔舟
直入西唇中有一青童子拜而言曰願從大
人遊唯所指使叔舟願之自此童子隨叔舟

不少雖遂捷冤科凡有吉凶莫不先事而言
聽其指導無有不吉及渡海入日本風恬浪
靜終致利涉而還其後世祖封首勲位躋
台鼎童子必先告吉及其終也泣而辭去未
而沒嘗觀古書李林甫有神童安祿山有神
兵豈此類也歟

權擘少時聞友人染闔泉時氣將不救洸觀
之衆止之曰不顧一身活人於烈火之中奈
一家何擘曰死生有命見故人臨死契視而
不濟不義費藥徃救之入其家僮僕死相枕

笑友人握擘手而泣因與共宿覺而視之友
已潛抽身避之他所矣擘欲歸夜尚早歷衆
屍出外廳坐而假寐時細雨初收月色熹微
忽有兩鬼倒披蓑衣超牆而入直趨於內曰
其人遁矣出外廳覓之見擘在一鬼曰權政
丞也不可于復超牆而走擘褰衣追之行到
一曲巷鬼其人在此遂超牆而入俄而有哭
聲矣高與柳氏曰擘信天不感能捨身以救
人其致福祿遐遠終路台鼎不亦異哉其友
不顧救已之恩欲責友以代已遁身而避之

其處心無似宜夫神之殛也

黃大任順恢世子嬪之父也嬪生長外家

家在城內宗家住南郊外萬里峴頗僻遠嬪

初入內多藏祀事告宗廟宗人謬從地遠近

先城內後郊外內人奉膳者堵墻外家而宗

家閒然也忽有厲声出祀堂中拿致奴僕祠

門外如束縛之諄唬痛楚如受拷掠然宗人

失指哭曰速招大任來大任跪伏祠門外自

堂中復有厲声曰尔家有祀先外家不及我

宗家何耶大任曰家有大慶自內有盛賜家

人謬誅內人先近後遠罪萬死曰大慶、
有何大慶甬勿復言大慶俄而內賜至大享
以御厨珍羞饗訖復呼家人曰昔余初終也
襲衣未具不用青段團領每冥中有饗事宰
相無上服於礼有欠速製遺我家人曰幽明
異路不知何緣奉贈曰焚之祠堂是遺我也
遂如命製之段鴉青團領具祿護一襲焚之
祠堂其后黃嬪大折順悵病而殂久之朝家
又論大任私改嬪五條以誣朝運竄之過遠
殆數十年

世俗以見疫帶神多尊奉之忌諱之只事祚
禳不用藥石非惟人命夭折之可哀英俊豪
傑之才殄殲於一疾良可惜也世咸曰斯疾
也某事異某事恠愕非鬼而何不但婦女
也雖有識大夫未允渠惑如巫瞽豈不寒心
哉余惟疫者熱者火也火性明火主心之
本虛故方其發熱也宛如鬼明如火不聽而
聽不視而視幽房密室能燭外事或發於譖
語胡說使人驚歎妖惑無他心火煽熱如物
照鏡而然也何以明其然也彼仙也佛也能

使心地精明白生虛室故雖定坐方丈而能
知山外之事能通他人之心不過明其心火
故也患疫之兒何以異此余家有奴患腫移
之五十里園庄余心憐之得一脚瘡肉送似
其肉奴亂言曰吾之瘡肉安在不絕於口奴
死而肉至庄主氣而奠之吾隣有兒患斑疹
人或餽馬三蹄兒母密烹之不令兒知瞑目
房中日吾家有毛之內三請使吾嘗吾意腫
疫斑疹皆極熱火甚明能觀於未形故
也豈有神告之耶兒女見其然攢手祝神可

笑也哉

明原君宗室人也中年病疫而死三日而後
甦日始知一身俱痛俄然痛定身穿窓隙而
出睜目茫茫無畔崖冥然而往然而未忽至
一處簫鼓并奏五人招之盤桓欲入則諸鬼
却之曰新死之鬼不可虛忝我享事庭際列
櫟葉分置粟飯諸鬼劝食之怒而不與既生
之後謂諸子曰人死之後謂諸子曰人死之
後本体外物也我死勿用灰槨猶有魂灵能
食宜勿廢祀饗後過數十年而沒墓在楊州

西山之人至今傳之

興陽有民死疫桑山下村人往田有聲隱

自墳中出曰活人村人欲奔告其家有

一人止之曰諺不云乎見死而甦者告其家

反受其死福袂村人怖而止翌日又聞其聲三

日而後寂然矣最晚其家諸子聞之發其塚

而視之頭折絞布解衣襟開亮虎轉覆矣諸

子訴之官杖其人吁野之人無識至此哉袂

福之說誤愚民甚矣

洪仲成早喪室有一男初生未彖語其後四

五年兒晝睡驚啼號哭乳母抱持而問之兒
曰有婦人盛粧身衣紫色長衣帶青段長帶
泣而抱持曰吾兒可憐、是以驚哭乳母
聞其狀即見母狀也乳母聞之痛哭曰汝母
初七晨用紫色長衣青段長帶冪中所着必
其衣帶也以此推之古者邵亭之鬼借衣陳
情榮陽之鬼縗裳訴冤李文敏之紗衫半臂
嚴武妾之琵琶垂頸亦非虛也
壬辰之亂文科及第李慶沅為防禦使從事
官戰敗死於賊其兄慶濬武將也方賊在平

壤領大軍防守順安適值忌辰清齋獨坐諸
軍退就各墜忽聞帷幄間有哭声呵、視之
無見慶濬泣而問之曰爾自何來曰吾死後
欲訪吾兄、所居兵衛甚盛怕而不敢進今
者墜伍稍退兄亦處靜乘間而來曰爾死於
何地骸體亦何在也可一、指之拾其遺骸
而葬之曰兵敗之日僅抽身亂兵中埋伏草
莽翌日步上山寺於山路遇倭而死乃其被
忍魂精驚散不知形体所在曰爾之可往來
于吾兄弟間願勿徃父母所恐其益疚其懷

也曰然吾不忍使父母知之也自此往來于
兄弟家家中事無不言之諄々如平日如是
者三年而不知其始一衆皆以戰敗日為忌
祭因其言審翌日死以戰敗翌日為忌祭云
壬辰之亂統制使李舜臣將造舡芥水軍伐
材于閑山島樹上有鬼嘯曰勿伐此谷之樹
軍卒曰余是何人曰全羅道儒生來也一衆
男女皆死於兵今來此托於樹也遂寢勿伐
朴元宗有不賞之功震主之威中宗大王
每引見元宗其罷出也必下龍床俟其出差

脩門乃陞床元宗聞自此每出褰衣疾走轉
倒唯喘出門而後已曰人臣逢此優礼豈有
善亨終者自此多近婦人飲醇酎逐疽發其
背使侍婢相通瓜瓞之不瘳酒色瘡日甚終
不救三十六為領位改四十三終
黃耆老嗜酒草書欲得其書者設大宴邀之
遠近賓客各持縑素華牋積千百軸耆老多
多益善不擇筆之美惡亦不持自求好穎而
去但令磨墨數斗聚主人家秃筆如兒童墻
頭弃翰婦女諺札之餘悉令合來添來之用

數尺長管拆管頭以繩纏縛之至日暮沉醉
無意操筆諸賓皆避之及酒爛不分朱碧而
後以拳握管端不用指濡墨恣揮之一揮能
盡數三紙日未移晷而罷龍飛虎攫神出鬼
沒之態千變不可狀其書蓋祖張旭汝弼而
神恠不測自成造化雖中國數百世亦罕倫
焉其時隱士成守琛自號聽松亦以能書名
一代詆耆老書以為耆老筆力有餘而自矜
非古以誣世之右成書多斥耆老余曾見
耆老筆無字草書草書橫点五六縱点亦過

脩門乃陞床元宗聞自此每出褰衣疾走轉
倒喉喘出門而後已曰人臣逢此優礼豈有
善亨終者自此多近婦人飲醇酎逐疽發其
背使侍婢相通瓜瓞之不廢酒色瘡目甚終

黃耆丸
小政旭々江トレ氏年深也辭于起事
草書

多孟善不擇筆之美惡亦不特自家好穎而
去但令磨墨數斗聚主人家虎筆如兒童墻
頭并翰婦女諺札之餘悉令合來添來之用
多之

數尺長管拆管頭以繩纏縛之至日暮泥醉
無意操筆諸賓皆避之及酒爛不分朱碧而
後以拳握管端不用指濡墨恣揮之一揮能
盡數三紙日未移晷而罷龍飛虎攫神出鬼
沒之態千變不可狀其書蓋祖張旭汝弼而
神恠不測自成造化雖中國數百世亦罕倫
焉其時隱士成守環自號聽松亦以能書名
一代詆耆老書以為耆老筆力有餘而自矜
非古以誣世之右成書多斥耆老余曾見
耆老筆無字草書草書橫点五六縱点亦過

五六此則非古之或者之譏以是或以今現
之聽松書蓋取法鮮于樞雜以趙松雪者老
書倡狂自恣而為東方草書之雄聽松書焉
可比擬哉中國人見聽松書謂山僧野客之
書聽松隱遁避世人也中原人信知書也聽
松喜用狗尾毛狗狗脊毛作筆用之蓋取其
毛勁而山人朴野無加辨筆之以也哉
唯興孝草書妙絕安平大君折節禮敬之為
興孝脩素縑八幅求其書興孝大醉自外歸
立其使門外箕踞門臬使蒼頭展其縑濃亂

揮或点或抹或豎或橫不成一字只墨浣其
縑卷而屬其使以報之安平大君見之大驚
且怒翌朝與孝謁安平盛色而見之曰
不佞愛足下筆法高妙脩素縑八幅索足下
書不意誨我不惟不書浣墨污其縑終不成
一字也得無不佞獲罪左右也手與孝大驚
曰昨日大醉殊不省落筆也請覘之安平出
示之與孝慙謝不已遂展其縑因其点抹橫
豎之劃而成草書顛風驟雨驚龍躍席之狀
隨筆而就安平大喜嗟賞與孝為吏曹郎

五六此則非古之或者之譏以是哉以今現
之聽松書蓋取法鮮于樞雜以趙松雪耆老
書倡狂自恣而為東方草書之雄聽松書焉
可比擬哉中國人見聽松書謂山僧野客之
書聽松隱遁避世人也中原人信知書也聽
松喜用狗尾毛狗狗脊毛作筆用之蓋取其

符興名手書

立其使門外箕踞門臬使蒼頭屐其綿濃亂

為歸

揮或点或抹或豎或橫不成一字只墨浣其
縑卷而屬其使以報之安平大君見之大驚
且怒翌朝與孝謁安平安平盛色而見之曰
不佞愛足下筆法高妙脩素縑八幅索足下
書不意誨我不惟不書浣墨污其縑終不成
一字也得無不佞獲罪左右也手與孝大驚
曰昨日大醉殊不省落筆也請現之安平出
示之與孝慙謝不已遂展其縑因其点抹橫
豎之劃而成草書顛風驟雨驚龍躍席之狀
隨筆而就安平大喜嗟賞與孝為吏曹郎

世宗大王親政與孝下筆端重勢不及其日
賜畢命他卽通寫初安平愛與孝書與已同
法數臨其第與孝知安平不追大秋遂改書
法尚怪僻安平大惜之遂與相疎以此免其
秋其八幅書傳刻至今流傳
承旨金絳有節操能文章善草隸嘗捷司馬
生進試皆壯頭考官批其試券曰詩如李白
賦如相如文如馬遷筆如羲之其才之見重
當世如此每書屏障必先坐椅上撫劔長嘯
俟其神氣激揚輒下椅洒其書先臨趙子昂

赤壁賦乃孟頫為高麗忠宣王書也中原無
此本惟我國傳刻焉絀書草書人稱曰熟則
必怒曰生則有喜色謂其將來有地矣然也
絀嘗語衆曰余粗有薄才文與書將傳於後
宜倍自飭礪平生不作不善可也卒與己卯
諸賢同其出處金淨金漫奇遵被禍時亦在
四賢中時人惜之
古有買妙画於中原者画長松下一人仰面
看松神采如生世以為天下絕筆畫師安堅
曰是畫雖好人之仰面也項後必有皴紋此

則無有大失其旨終為弃物又有古西稱絕
筆老叟抱兒孫匙飯以食之神好如活成
宗大王見之曰是雖好凡人之食兒必自開
其口是則舍之大失西法自此終為弃之夫
畫與文章奚異一失其意雖錦章繡句識者
不取也惟有眼者能知之

成宗朝華使金湜工西竹為曠世絕筆請見
東國今古西竹之筆上命戾搜國中以示
之湜遍覽之曰皆非竹也或麻也或芦也請
覘真竹時安堅好西亞郭熙中國素服其神

妙也 上使堅用盡一生筆力西竹若干幅
各体以進之湜曰此雖好手然非竹也芦也
上素知西法令苑囿進一盆竹盡摘密葉存
疎葉置軒墀當夕陽使安堅依樣西之試示
湜一見輒大驚曰此真竹雖中國妙西罕
與論之上大奇之於是出尚方繚素受湜
西箴諸景福宮與姜邯賁朴淵鞭龍所得青
龍麟一隻并為至寶箴文武樓後景福宮災
其西與古珎俱火
譯官表憲朝天過斗嶺宿高三家高三終夜

念阿彌陀佛懸茶瓶壁上喉渴則飲其茶念
誦不輟謂憲曰東國人多識深書子必聞知
之我誦阿彌陀佛有利於前生後生乎憲曰
不然東國有一說有一巨師尊事釋氏謝絕
百業惟以念佛為事常居一室每喚阿彌陀
佛日以繼夜如是者積數年夢有神人自稱
阿彌陀佛款門而謂巨師曰汝念我甚勤我
當福汝明日方伯過汝邑汝伏橋下連呼吉
生十餘拜彼必錫之福明日如其言終日伏
橋下果有觀察使過其橋巨師大呼吉生十

餘聲觀察使大怒命卒掣致之曰我兒名吉
生汝何慢我呼我名用大杖打臀八十甫
以歸私恠其故其夜又夢神人曰汝喚觀察
使兒名猶受八十杖我豈爾觀察使之比乎
胡喚我兒名千萬詳日夜不休積年乎而今
而後更無喚我名自此巨師大怖更不喚問
彌陀佛高三大驚曰吾不承子教幾受重杖
於今生矣自此覆其茶瓶終夜安寢更不念
阿彌陀佛後憲更宿其家無念佛拜矣憲官
至崇祿令已七十七歲云矣憲自少時至老

過關西抵北京與諸妓歡飲一無所眄人皆異之

全羅都事金在全州南廳諸妓皆在後舍蒼頭退休他處日將暮獨坐無憀忽有一妓曳履過前軒衣裳鮮麗容儀閑雅真絕代美姝也金意不自定問曰爾為誰曰州中教坊妓皆我所嘗熟何相見之晚也曰新妓而為州官親屬所私藏之甚密今偶有事過此金遂使之前歡笑移時乃與低帳昵枕自是情義交洽曉往暮來靡日不侍寢久則白日在側

溷偃無不隨之金精神蕭爽形自槁萎頓床
石監司高荆山多智人也聞都事病由於遇
崇收是不難已之告之州官求境中巫女各
具伎樂脩夜祀之需極豐設於南方庭東別
宇以享衆神出示妓告金曰我欲往覲恐子
弃我而去金曰我愛爾愈汝愛我惟恐汝舍我
豈有我舍爾之理崇妓稍信之往而覲之
半身猶露屏間回顧頻頻復棄而來又聞衆
樂舞高未幾又往如是者數矣至翌日夜又
如之樂益張酒食繼進崇妓全体俱入屏

內不復回顧南廳矣監司預為令沿路諸驛
立上品駿貊脩鞍而待之以抵京師金乘崇
牧樂而忘返中夜跨馬而遁連曙傳郵翌日
未午直入京第遍於門戶堂廡傳朱砂越符
西日崇妓哭於屋上曰不意郎君薄情如
是子雖厭我豈無情奈朱衣之卒在門防
之何良久寂然無聲自此更無其崇蓋女
性之好巫祀生死一也荆山深得其情可謂
智也已

朴河力治理學以訓誨後進不以鬼神事為

信其子九歲虎葬之先塋下襄事而還未轉
山谷忽有光祥自墳所喚其奴名曰石阿取
鍾去視之無人而忘其鍾來矣去而視之有
鍾在矣取而歸

龍泉驛在黃延道路傍燕山朝殺洪貴達于
此其字魚善後有宋軼以天使迎慰使宿其
驛其字嘉仲夜有寒氣自遠而通肥骨俱寒
殆不堪忽於窓外有聲曰嘉仲軼聞其
祥知其洪太學士應之曰子是魚善否曰唯
遂呼童對置椅子牀下揖之使坐如有物踞

椅上寒氣尤逼曰我先時天寒甚至今寒氣
不解願與我熟酒遂命熟酒三杯具饌着排
椅前良久曰余寒稍解釋多謝余每思覓酒
解凍候行官到館來討焉累致驚悸經隕非
我故犯之令公福祿遐膺子孫延其勿憂之
遂辭去軼後為領相子孫多至卿相礪城吏
判書言慎叅判駟皆其后也
萬曆己未冬叅奉申友顏善楷書借宿李正
言元與衆夜失所之隣人日夜有物無象
不似人自牆外招叅奉而去甚訝之衆人尋

之來得數日得之盤松池水上見紫衣綢而
拯之其家在都城西小門外宰相李元忠第
也元忠有處子一日失所如越數日得之大
川橋下蒙蒿席而伏半死致之家數日乃死
當初未得也有士人指諸橋下得之士人夜
夢有人曰吾新得美妻喪之甚因以失之吾
當齎以爾妻覺而視其妻已失所在居數日
復還之曰始怒爾奪吾妻故取爾妻今復得
之也斯還之使人探李家處子已死矣
有陳耆卿者有所事出遊憇于川上秣馬忽

聞人噴嚏拜聽之無見如是者數矣仍倦而
睡夢有布衣士人曰僕姓某名某居某地僕
有奴頑暴將傳諸第幾子之性甚嚴奴甚怨
之為我執轡殺我埋于此僕有子居喪設祭
而使其奴行祭余畏而不食將於某日終制
至是日子見吾子密言之報余讐收余骸乎
在彼川邊樹下草葉隨風出入吾鼻穴則輒
噴嚏矣又言其奴狀自甚詳春卿驚而覺深
異之遂就樹下擡蓬剔沙果有人骸一具而
草葉隨風出入其鼻穴後至是日尋其家見

新関服者見耆卿顛倒迎之餽餉極腆耆卿
問其父緣何故死何所曰吾父出遊死不返
不知死所虛葬此山上昨夢亡父來言今日
初來之客爾待之如我必指我死所未知尊
客何所指教手耆卿忽神息如夢屏間有語
曰此過庭者即其奴也熟察之其面目如川
上所聞之言耆卿乃附耳語之故喪主乃以
微過縛其奴用鉅杖訊一々輸情乃殺而磔
之收父骸于川上葬之古兆

嘉靖中丹山守者宗室人也善吹玉笛有名

聞因事之海西日暮至峽中有賊十餘人挟
弓鈎當路掠輜車及丹山守而去入山谷數
十里見彩幕葳蕤徒衆各執供具持兵戰而
衛擁中有大將朱冠錦布翼倨紅椅上時海
西賊林巨正擁兵橫行官軍失捕王人遇害
所謂大將者即巨正也其卒捕得行路人入
告巨正令跪之地問若名爲誰曰宗室人丹
山壽也巨正笑曰爾是善吹玉笛者丹山守
也曰然曰爾行李有玉笛乎曰有之巨正使
左右進盃盤悉陸海珍羞取金觴屬之令取

玉笛吹之丹山守不得已吹兩三拜居正恻
然掩涕蓋朝家捕渠甚急雖延歲月之命而
自知終不免也聞腔調悲甚不勝悲激於中
也曲罷連勸四五盃以不能辭巨正命騎卒
護送谷口河允沉以善吹笛死於非命丹山
守能吹笛而生是何一玉笛而生死殊耶然
丹山守雖不刳腹而死未免屈膝而生亦玉
笛之崇也歟

萬曆癸丑七月十三日興陽豐安洞人石同
禹佐守干野中高架上日初昏暴雨迅雷如

聞因事之海西日暮至峽中有賊十餘人挟
弓鈎當路掠輜車及丹山守而去入山谷數
十里見彩幕蔽蕤徒衆各執供具持兵戰而
衛擁中有大將朱冠錦布箕倨紅椅上時海
西賊林巨正擁兵橫行官軍失捕王人遇害
所謂大將者即巨正也其卒捕得行路人入
告巨正令跪之地問若名爲誰曰宗室人丹
山壽也巨正笑曰爾是善吹玉笛者丹山守
也曰然曰爾行李有玉笛乎曰有之巨正使
左右進盃盤悉陸海珍羞和金觴屬之令取

玉笛吹之丹山守不得已吹兩三拜居正惻
然掩涕蓋朝家捕渠甚急雖延歲月之命而
自知終不免也聞腔調悲甚不勝悲激於中
也曲罷連勸四五盃以不能辭巨正命騎卒
護送谷口河允沉以善吹笛死於非命丹山
守能吹笛而生是何一玉笛而生死殊耶然
丹山守雖不刳腹而死未死也

萬曆五年

光緒五年

萬曆五年

張千炬烈火自天冠山絕島之間亘絕大海
駭天驚地而來火災之中有黑物橫空大風
驅之於是風拔兩架放轉而上不知其幾千
萬仞兩人各在架上隨風飄上神魂惝恍俄
頃風定兩架自天回旋而下落于天登山頂
予尋高樹之林去豐安夜宿之地數十里餘
禹佐傷右臂石同全体無損朝而視之自海
東截太山長谷廣皆四五十尺數十里入于
海其間所經之地百圍巨木如以利刃刈葵
蕩然無纖楚海邊黎元皆莫知何故或曰龍

怒移居地行而天不行或曰龍之行必登天
是非龍也鱣魚之屬為之也

僧天然有事過海西之殷栗白晝無雲氣忽
見中天黃白兩龍從東西卒起相遇橫空相
鬪乍前乍却乍低乍昂白日照之鱗甲燦爛
相映移時而後流雲四集如水之趨壑霹靂
雷火喪碣磔磔兩脚大如繩飛電隨之良久
相與藏身解鬪而廓然為晴天乃知龍者飛
物不必隨雲而動龍既動而雲自隨之也韓
子曰龍雲從之真壯語也

公洪道水營在保寧海上有序曰永保勢壓
滄海、有白龍馬或出遊波上騰蹕行下躡
然洪漣如平地其馳騫之狀如電邁風迅鬣
鬣尾駿一如馬臨皚如霜雪其俗傳馬出見
則邑有慶水使必蒙恩賞云稽之往牒雕楚
澤之龍項羽能制而乘之又曰澤馬躑阜又
曰龍馬玩繩而遇絀今夫是馬也若有人能
羈綫而御之安知不為地上之千里駒也歟
金堤郡有老僧得席子養之既長如一歲犢
老僧愛玩号斑童常與人狎而戲之一日老

僧薪于山童子泣而奔告曰斑童咆哮攫
而前有若咬我者然老僧深惡之持劍逐之
帝恟而走追斫之不及斷其跟後帝子驚而
逸自恣其行止不復為人擾其後閭里多帝
患逢人輒覽要其蹤缺其後也乃知為斑童
盖自始與人相狎閭舌磨牙者有素且脩害
其易制故也入南原屯德里聞勸農之号尋
其家伺於門外能作人聲曰屯德勸農屯德
勸農開門視之為所攫自此村間夜間屯德
勸農之聲知其虜至

有大蟒登絕壁入鶴巢食其雛盡之鶴盤天
引其類衆鶴漫空而蟒甚巨不可敵蟒凝然
不少動鶴奮翮長逝良久引一青鳥來大於
鸞小如鳩從天俄翼而下直坐蟒頭俄頃蟒
巨顧脫於樹上宛委墜地而死擾翮東逝不
不知所向識者曰海東有鷹名海東青勇捷
過於白岳鶻所謂鷹王者也
承食蛇與承相克也有大蟒懸樹衆仰視
欲嚙之不得卧樹下陽虎連日夜不起蟒飢
甚欲咬之遂掛頷樹枝伸其尾縛承試引之

去地丈尺，承猶不動。鱗始下，樹縛承承啣其尾疾走，岩石叢棘之中，鱗鱗皮盡剥，承遂寸斷之，恣其噉嗜。

古者丞相崔瓘年老幾七十而後求後妻，中媒行莫有應者。有士族晨有一處子，家貧有什丞相，使人言其父母不肯許。處子曰：「吾門無達官，父母食貧終世一處子，何閑願舍吾身從之？」以周我二親。官我諸親戚幸而有後，將為子孫榮不亦可乎？父母許以妻之。生一子，同住若干歲，丞相沒，其子弘胤大貴，官至

兵曹判書李氏終身享其饗其大慟之處子
適士子有失行嬰法網不善終至今言者為
大奇談

世祖朝處士洪裕孫時年九十無室為後嗣
求妻媒姬行莫不挺棒而驅之有一處子謂
其父母曰雖嫁夫一日而孀願為賢人妻父
母許之裕孫九十生子名志成博學多聞為
世聞人後進達官多出其門至宣祖朝丁
酉年、年八十而終西世八九十兩朝歷
年殆二百歲豈不大異也哉一說七十六娶

妻生二子云

鄭彥慤家甚貧兒時善屬文人稱奇童及贅
于中判書公濟氏累舉不勝四十猶布衣喫
着皆資於判書夫人夫人苦之為小女擇婿
難其人使彥慤揀於相識中薦賢才彥慤曰
吾友元遜者世閥也有才名性端雅形兒如
玉今雖貧宜長貧者判書曰可亟行媒消吉
夫人曰不然才不可恃始以進士為奇童必
早成大名不恤其貧而取之半世貧悴責不
可期次女壻柳生家計甚饒心地甚寬與友

讀書其家奉之三日惟一牛此子雖不第吾
無憂焉今元遜雖有才名若復如進士奈卒
苦在吾何卒不取乃取尹弼商之孫希老方
其成禮也有丞之正字彥慤友也將稟公事
到判書家因婚禮方張不得通刺留彥慤所
坐見新婦至大驚曰爾舅相國公何處得餓
芋來他日顛死溝壑者必此子也彥慤大笑
曰此子富甲東方爾雖餓此子不餓後希老
不學敗於色賣盡十三厦屋千百減獲萬頃
良田寄寓世族婢僕之廊舍寒餓而死元遜

者後改名混官至一品壽九十而終夫人宗
室湖山君女也生長綺紈復配柳相一生享
貴不耐貧困不用判書之言卒然娛愛女可
歎也然冰人月繩早定於冥昧雖夫人其於
命奈何希老性駭不學或謂之曰子何不求
鷹牌頭閑而多俸不如猫牌頭子盍求猫牌
頭于丈人希老喜求猫牌頭於判判書判書
大笑曰必鄭進士給子也

萬曆己酉余以聖節使到燕京時判書尹昉
奉使留館言湖廣有一濱海極絕處多瘴氣

婦人初嫁其夫必患癩瘡遍體百藥不效而死再適人終無患其地有處子者必欺他方客人不聞知其地無節婦女子獨然男子不然余聞而恠之以為誕尹曰謂余不信問之韓序班問之果不誣矣韓福建人也

余按叅判成壽益所著三賢珠玉北窓先生鄭礪物表神人也於儒道釋及技芸雜術皆不學而能嘗以釋氏心通之法未得門戶為恨八山靜現三四日便洞然頓悟能知山下百里之外事如合契百不一爽隨乃父赴中

國遇琉球國使臣，亦異人也。在其國以
以易數推之，知入中國遇真人沿路恣訪至
北京遍訪諸國邸館皆不過其人一見也。窓
大悅之，共處三日三夜，論易能通其國之語
不待舌人，蓋不學而能為，常居一室，治金丹
火候法。有客至，寒士也。方盛冬，不耐其苦，也
窓取坐褥，冷鉄片挾之腋下，以熨之。頃之，與
士其客如烘爐之燠，流汗洽体。又有人患痼
病累月，針藥俱不瘳。也窓取坐席上一掬管
草，手磨口暖，使服之，病立愈。不幸早逝，享年

四十四其自挽曰一生讀罷萬卷書一日飲
盡千鍾酒高談伏羲以前事俗說從來不掛
口顏回三十稱至聖先生之壽何其久其弟
礪亦奇士為其兄作挽歌曰慟哭吾兄逝傷
心欲問天修文繼至聖厭世厭世化胎仙寂
寞三生語風萬卷篇乾坤悼先覺大夢忽悠
然礪早寡獨居四十餘年一不近女色好仙
迷嗜酒能詩又曉醫方神效平生不求進取
嘗有詩曰白首參同契紅顏麴味春乃其一
生事也年七十一微病坐化

普兩者妖僧也多識諸經能詩居春川之清
平山遠近釋徒尊信之嘉靖中 文定垂簾
設奉先奉先兩宗當時釋徒聽普兩訓而設
無遮于奉先寺蒸粒累百石以飯僧四方白
足委集而以雲錦袈裟萬僧擁護奉之于上
座有一老僧弊袖百結顏色槁枯扶錫未至
兩望見之趨進拜伏以面揖也不聽仰視左
右微睇而双皆流淚至地匍匐久不起老僧
平立以錫欵之曰嘻噫吾不料爾至此不交
一言而去爾索然不歡者累日衆咸異之詢

其道号即智行云爾以高僧一善為有道脩
厚禮迎之于妙香山使至一善無一言大書
與之曰雲橫秦嶺家何在雪擁藍關馬不前
終不起後事敗而寬身于寒溪山岩穴中搜
得之謫配濟州牧使、兩脩客舍洒掃日令
有旅力武人四十人各加一拳以為常而終
斃於拳下一善在妙香山終身入室不下榻
雖大官至未嘗出戶迎之李標權貴也遊妙
香山敬一善脫紬衣衣之標纔下山而脫與
終音

南師古在江陵謂邑人曰今年必有大兵此地人靡有孑遺避之邑人素知師古有神筭避於寒杆之間痛疫大熾死者不可勝紀一邑蕭然師古曰吾之術業可謂粗矣謂疫為兵邑中儒士崔雲溥登第為親將聞虔造師謂邑中人曰爾輩須往觀之此邑三十年間無此虔後李璪始中科適三十一年矣嘗來京叅判鄭期遠幼時從長者見師古後再往自內高聲曰鄭秀才來耶顛倒出迎鄭問之曰何以知吾來曰吾預知君來指壁上書曰

某日鄭某來云 嘉靖丁卯師古登南山奎
頭望見驚歎良久曰是何王氣索然俄而曰
移在社稷洞未幾 明宗大王薨無嫡嗣迎
宣祖大王于社稷潛邸卽祚丁丑龜衣旗出
長輿天等師古預知有壬辰之亂云
尹月汀根壽解華語嘗朝燕京遇望氣者問
曰望氣亦學而能乎曰學而能曰何如曰等
土室塞東北及上而開其重簞之如前而開
世塞南又重簞之如前而開其西又重簞之
開其上每塞其四而開其一其中沉、不辨

晝夜、不眠如是過十五日五重之室視
物如白晝衣縷皆可數然後出而視之五色
天地之氣了、目前能視數百里外因之以
占吉凶百不失一學官李再榮赴燕京至東
岳廟中多道士有道士吹簫入室中欲則無
門問之為道士在土室中塞四壁只從小竅
通食一小牖取明三年而出則位高品受厚
祿近來術士朴尚義亦學此法為四重室五
十日出能相人察氣見一客曰若已遭喪有
白氣浮頭上其母在遠地已死不知不數日

訃音至，參判鄭期遠對尚義出而便旋溺汚其袴，復坐。尚義笑曰：「公何失溺？」期遠大驚。尚義寓潭陽，私一官婢，偃蹇不順，屢竄身深匿。尚義必坐知其處，十竄十得。一日同宿出而淫，見驚曰：「某方有乞甚惡，非常必有弒逆。」大吏在旬朔間，子其識之，客拭目而覩了。不見其氣，以為狂言。後過二十日，其地果有弒母之獄。尚義年八十，能以齒碎楸窠殼及沙梔子成糜粉而食之，衆大怪之，以為役鬼善幻而為之。尚義嘗曰：「八四重室，五十日不睡。」

禹步叩齒日夜不息可學氣法不然則發心
痒狂走可怕

祖考司諫諱忠寬申判書公濟之甥也新昏
不多日衣服鮮靚叅判柳辰全弱冠時訪祖
考于判書家方營室握土成坎黃污泉其中
辰全使氣多膂力一揖之後不交一言却立
而熟視遂抱持祖考投之黃污中舉衆大駭
之祖考不色出坎而笑脫其衣命侍婢更新
衣辰全握手稱謝曰真吾友也欲以試子氣
量何如耳遂相與爲莫逆之交焉

萬曆初林植居老住羅州時徐益為茂長縣
監徃吊之植以貧老乏糴米為辭益領之而
去不數日馱白米三百石以需老家植不色
難無辭而受兩人相許莫逆度量甚宏而任
俠不畏罪若此宜益之有逆子也

洪春卿為弘文正字時母夫人乘輜在路相
國張順孫之奴醉與輜從婢戲仍劇扶輜卒
夫人大驚春卿以事涉相國家不可告之刑
曹遂踵相國門請謁告其事相國曰甚可駭
招侍人附耳語色自若春卿起辭相國曰姑

留焉與之閑語春卿心怪辭而出見門側有
死人覆以草席卽其奴也相國不動詳色附
耳一語而瞬息之間已處奴以死其威如此
宜作一國之相也

尚相國震為人寬厚度量弘大平生未嘗言
人過有一人短一足客以為言震曰客何言
人短處宜曰一足長當世以名言補二相吳
祥少時作詩曰義皇樂俗今如掃只在春風
盃酒間震覽之而歎曰余嘗多吳生以為終
成大何其言之薄耶卽下筆改之曰義皇樂

俗今猶在者取春風盈酒間四序之間氣像
懸絕宜夫吳之名宦下高一頭地也震自政
府卜相而還其孫女婿李濟臣問今日卜相
誰為之耶震默然濟臣曰似聞沈通源應在
卜中信乎曰似為之其人髯好震年十七不
能文嘗往僧伽寺讀書以手指濡唾書于僧
床油紙有一士正色叱之曰小子陋哉何以
口中唾書之於地震大慚且怒自恨男兒不
文不可以行世弃之步還足皮軟血滿屨矣
遂從師力學進取如也其狙擊權奸也亦不

隨波跼蹐故見重清議所以濟相位者以此
然其曰髣好者亦憚濟臣之直也

相國自制行狀
曰吾起自草野

三為顧相既學琴尚彈
君思西
行年七十卒于安寢

洪相國彥弼親喪居庐瑩下子暹以童子從
夏月彥弼宿于樹陰下開目視之暹赤身卧
地蛇過其腹暹熟視之凝然不動俟蛇過而
後起走彥弼異而問暹曰方過之時若動身
則蛇必咬我彼既不人吾而木石吾亦自
不人而自木石彼必不咬我是以視而不動
彥弼知後日大成後繼彥弼為相國

丞相黃守身丞相黃喜之子也。有所眄妓鍾
睛特甚喜常責之切守身唯唯而退猶不悅。
一日守身自外至喜正官服出迎於門如大
賓守身張而伏地問其故喜曰吾以子待爾
而尔不聽是不父我。以賓禮接耳守身叩
頭請死厥後更不與妓嘗聞常扶醉橫載過
妓家宿焉夜中酒微醒開目視之見婦影下
有女在側察之則前所眄妓也於是驚曰爾
何為來此對曰舍吾家安之諦視之乃妓家
也大怒詰其奴欲殺之對曰來時馬首指此

家意大人回轡也蓋昔者往來妓家恨養甚
勤馬首之回馬也非人也守身遂悟命取劉
斬其馬首後守身以蔭官陞相位
李相國恒福有愛馬癖為領相時待客于外
廳自內使婢傳言曰馬豆已竭喂一馬有裕
喂兩馬不足何以為之相國正色曰馬豆多
少欲令議大臣乎國法削職者雖大臣以及
第補李相國德馨以領相削職補及第李相
國以左相被時訖曰吾同棲已為及第吾何
時及第逮散居東效有一氓來謁曰以身後

不聊生相國曰吾以戶役不聊生時相國彼
護逆之効典戶役同音其善謔如是

尹弼商為刑房丞旨冬日極寒成宗大王

召見于寢殿外曰今日嚴冷一年之最予以

人主坐深宮煖室折綿之寒無自而入寒威

凜冽猶若是况負罪人枷縲北扉薄衣單裳

幽圜圜中乎爾其出按囚籍可放者聞之

商對曰聖念至此夏禹泣辜之仁無以過

也臣於平日熟究職分內事不待出按囚籍

仍毫分絲析口誦丹書畢陳放未放於前席

上大驚謂內殿曰若人當官舉職可以屬
大事當一面不啻予廷中有如此賢臣命引
入殿內賜御醢脫貂裘以衣之自是寵渥異
常循資越階每以有恩官至訖政燕山朝貶
珍原弼商嘗入中原問名卜曰平生勲名冠
人臣但終死於三林之下未解其義及貶僑
處珍原民舍間室外樵兒呼伴曰今日共樵
中林弼商問主人曰何謂中林主人曰此地
有上林中林下林皆地名也弼商悵然曰吾
將死於此地矣未幾病死

李施愛之構亂也。憚田霖使刺客刺之。其客
僧也。未曾識田霖。面時以軍官從大將。會僧
俠也。首入陣中。大將使下卒縛之。窮刑以問
之。僧無一事。大將曰。田霖爾注問之。僧因其
言。始知為田霖。一蹙而起。纏索寸絙。奪軍卒
劍。擊霖不中。霖張拳而碎頭。笑而死。曰。嗟乎
吾不及田霖。嘗疽發背。大如斗。赤身磨之。
岩石血流。至地。顏色自若。疽即瘳。及其患瘡
曰。壯士。豈為瘡鬼所惱。按劍箕踞。椅上俄而
一身寒慄。苦不得支。則擲其劍下。倚伏枕。諺

曰田霖之猛過瘡鬼而屈膝

韓明澮性瘡凡奴僕下卒有罪繫之柱輒射之故其庭中樹一柱時田霖違令繫其柱欲射之酒酣坐而睡霖棄睡因絕其繫而逃明澮覓見侍婢在前使追捕之不及亦繫其柱射之霖潛伏牆外聞之曰將軍以霖之故欲殺不辜是霖恟死而逃不勇也移死弱婢不義也請將軍射霖霖當被襟受箭明澮遂使_拒之而用為腹心霖性甚瘡時海浪島有賊出沒波濤為梗於海西朝廷使霖將程之霖有

一妹寡婦也。只有一子霖。請其子為軍官。妹泣而言曰：「寡妻只有一子如嬰。軍律吾兄性嚴，必有饒富。當世豈無他人合吾兄心腹？仆牙願為寡妻少貨，霖不從。」曰：「國事也不可私遂着以行。」至海浪島，果違令，卒而斬之。自此一軍震怖，咸赴死如故。直擣賊島，蕩巢穴而還。^韓明滄得病，脛之病在脛骨中，痛不能堪，自度不得活，曰：「等死，寧自折脛骨殺此虫，而後死。」乃箕踞石甃上，僕舉大石折其脛。僕不敢明，滄手探骨中，得一大虫如母指，乃

以一鼎油煮之虫猶不死油盡焦虫乃死明
漚亦死

柳仁淑枉死於逆籍其奴婢賜印臣歲時鄭
順朋為勲仁淑家奴婢多以賜婢故為其始
自柳家來也諸婢莫不掩涕悽咽其中一婢
姿容昳麗者獨顏色揚、略無戚容顧叱諸
婢曰吾侪曰主矢也如何熟非爾主安所事
而安新曰何擇焉其奉新主猶盡其誠順朋
信之仍使昵侍未肯離左右累年無筭楚之
失一日順朋少有壓其頭面呼號而覺自是

後如此者數矣卒患痛疾不起婦人向之神
巫言妖在枕中發其枕果得一頭於是疑柳
家婢將訊之其婢不受一刑先自首宗曰吾
曰至有何罪爾家老漢搆殺之吾離外若畝
心腐肺回腹子中者有年為潛奸陪吏
怕不肯吾強媚之遂與相賸所言無不從
令覓死人脛而束內之枕中今也已報吾主
之仇死何恨宜速殺我其子弟逐於殞側撲
殺之匿其事終不泄當古無有知者順朋少
子碯年過七十而終臨死乃言于人曰吾家

所深諱不宜向人道平生異其義烈臨死始
言之吁柳婢之義烈雖豫讓無以多也獨恨
其以妓也

贈禮曹判書趙憲者金浦人也家世寒微好
讀書中文科及第為校書正字直香室典諸
祀分香是國家以高麗祖母妃誕賢王統合
三韓特祀之祀用白丹香憲以為淫祀不宜
分香不奉旨遂抗章以諫朝廷嘉之自此罷
其香祀士論多之憲屢上章言朝政得失多
觸時諱拂朝諷每不報憲席藁闕門外置斫

刀蒲伏于地會有朝賀百官入闕門有宰相
同年也謂憲曰來爾憲朝廷加殺爾豈少芥
鉞何苦自持斫刀來廷中大笑萬曆十八九
年間日本関白平秀吉有射天之志遣使求
我國通信齟齬我恐喝我訖以遣使為不可
時領訖故柳成龍建議通信徃察之秀吉留
我使五十日始見之對使飲以酒孟輒破其
盃又抱嬰兒膝上以戲之越明年秀吉遣玄
蔭以謝之憲上疏曰陶孟飲破者不破盟也
抱戲嬰兒者視我如嬰兒者也請斬倭使奏

聞天朝識者說之朝說以為狂憲博誦古書
善規天門文知其士辰之亂使門弟子先習
勞每夜男女負戴上下山如陶侃運甓至壬
辰正朝祭先墓召集鄉黨父老饗以酒食辭
別涕泣而去是年三月夜與羣弟坐有流星
有聲^嘉聾然憲大驚曰今日賊渡海矣天鼓
星之聲也及東報至果其日賊下陸矣於是
憲聚義兵數百與倭戰是時我國官兵在二
望風而潰無一與倭交鋒者師憲之兵與倭
併首交臂而死未有一夫奔潰也時人比之

田橫義士也

潘碩坪者宰相家奴也性甚端雅宰相愛其
醇敏誨以詩書與諸子往還及稍長乃與遊
鄉無子者匿跡力學絕不令至家通及長冒
法應科人莫之知也遂登科躋宰列譙恭請
謹為國蓋臣歷八道觀察使位至一品宰相
既沒其子任皆窮賤出無駙徒步於路碩坪
每遇於路下輒趨拜于泥塗道傍視之恠之
碩坪乃上章吐寀請鐫削已職官至家子任
朝廷設之優獎之破邦憲就本職如故仍官

其主家者高與柳氏曰我東方壤地偏小人
才之出不能中國之千一局於箕子之遺典
為奴者不許仕路五賢無方三代盛法而至
我國防閑益固士大夫之論隘且狹矣潘碩
坪忠義人也脫身法網為朝廷大臣揆之常
情掩匿蹤跡之不暇能下車屈身於寒士又
聞之朝自暴其賤跡諒東方所罕有之令聞
也其主家宰相非徒痛祛隘狹成人之美如
其人也亦可謂知人能得士也

嘉靖乙巳年士秋作有逮其獄以逆論者骨

肉不顧況其餘乎人皆累息聳肩望而避之
李大司諫霖死其獄妻子凍餒無所告每四
孟領祿之月等其家園牆內有以祿米五斗
殖一器醬一器中夜潛置之者主人家亦不
知誰氏為也彼亦不自道某氏為也如是者
久而不替至於事定猶不知不言古人所謂
酬德於不報者即此也為是柔者其有後乎



